



Srpske civile držali zatočene i nakon rata

M. LINGO-DEMIROVIC

SARAJEVO - Po naredbi Tužilaštva BiH na području Bosanske Krupe slobode su lišene četiri osobe osumnjicene za ratni zločin.

Radi se o policijskim dužnosnicima osumnjičenim za ratne zločine nad žrtvama srpske i u jednom slučaju hrvatske nacionalnosti na području Bosanske Krupe, 1995. godine. Slobode su, kako saznajemo, lišeni Jadranko Šaran (57), Samir Šambić (44), Zijad Kadić (38) i Fahrudin Hadžiosmanagić (57).

Osobe lišene slobode privedene su u službene prostorije SIPA u Banjaluci, gdje je nad njima vršena kriminalistička obrada, nakon čega su predate Tužilaštvu BiH na dalje postupanje, saopšteno je iz SIPA.

Iz Tužilaštva BiH su saopštili da su ove osobe pod istragom zbog osnovane sumnje da su počinile krivično djelo ratni zločin protiv civilnog stanovništva i krivičnih djela - ratni zločin protiv ratnih zarobljenika i neopravdano odgađanje povratka ratnih zarobljenika.

Osumnjičeni su pod istra-

gom Tužilaštva BiH i terete ih da su u svojstvu načelnika Stаницe javne bezbjednosti (SJB) Bosanska Krupa, komandira Policijske stanice (PS), koja je organizaciono pripadala SJB Bosanska Krupa, komandira Policijskog odjeljenja Jasenice

FUNKCIONERI
Radi se o policijskim funkcionerima osumnjičenim za zločine nad žrtvama srpske i hrvatske nacionalnosti

pri SJB Bosanska Krupa i u svojstvu policajca tog odjeljenja od 17. septembra 1995. godine i od 14. decembra 1995. do 12. jula 1996. godine, na području Bosanske Krupe počinili navedena krivična djela nad žrtvama srpske i u jednom slučaju hrvatske nacionalnosti.

Oni su osumnjičeni za nezakonita zatvaranja, mučenja i zlostavljanja žrtava srpske i hrvatske nacionalnosti, njih nekoliko desetina, koje su bile nezakonito zatvorene u više objekata na području Bosanske Krupe.